



# Ақмешіт

26 желтоқсан  
сейсенбі

№102 (2009)

2023 жыл

## апталығы

Газет  
1994 жылдың 15 сәуірінен  
бастап шығады

Қалалық қоғамдық-саяси әлеуметтік-  
ақпараттық тарихи-танымдық газет •  
E-mail: akmeshit.kz@mail.ru

Кеше оқушылар сарайында балаларға арналған «Жаңа жыл – жаңа кадам, жаңа бақыт» атты мерекелік шара өтті. Салтанатты шараға қала әкімі Асылбек Шәменов қатысып, балаларды жаңа жылмен құттықтады.

### БАЛАЛАРДЫ ҚУАНТҚАН ЖАҢА ЖЫЛ КЕШІ

– Айналайын, бүлдіршіндер! Шаһарымыздың өздеріңдей білімді де талапты жастары әлемнің ең озық оқу орындарында білім алуға, спорт саласында биік белестерді бағындырып чемпион атануда, басқа да



үлкен жетістіктерге қол жеткізіп, Сыр елінің абыройын көтеруде. Сол аға-әпкелеріңнен үлгі алып, зерделі де зерек, білімді де білікті болыңдар. Жаңа жыл өздеріне де, сендерді мәлепел өсіріп отырған ата-аналарына да тек жақсылық әкелісін, – деді қала әкімі.



Жаңа жылдық мереке оқушылар сарайының өнерпаздары әзірлеген қойылымнан басталып, жұмбаққа толы ертегілер мекеніне айналды. Осылайша балалардың көңілін көтеріп қана қоймай, жаңа жылдың басты қонағы Аяз ата мен Ақшақардың шақырды. Жанары қуанышқа толы бүлдіршіндер Аяз ата мен Ақшақарға өз өнерін көрсетіп, сыйлық алды.

Сонымен қатар қала әкімі балаларға арнайы әзірлеген сыйлықтарды табыс етіп, жаңа жылдық торты үлестірді. Ал бүлдіршіндер мерекелік дастарханнан дәм татты.

НАЛТЫН

## «Қазақстан халқына» қоры: СЫРДАҒЫ ИГІЛІК

Мемлекет басшысы Қасым-Жомарт Тоқаев өткен жылы денсаулық сақтау, әлеуметтік қолдау бағытында «Қазақстан халқына» қоғамдық-әлеуметтік қолдау қорын құру туралы тапсырма берген еді. Оз жұмысын сәтті бастаған қордың ұйытқы болуымен біршама жоба қолға алынып, ел игілігіне қажетті дүниелер жүзеге асуда.



Жалпы қордың мақсаты – мемлекеттік қолдау шарасынан тыс қазақстандықтардың нақты мәселелерін шешу болып табылады. Оның ішінде денсаулық сақтау, білім беру, әлеуметтік қолдау, мәдениет және спорт салаларында қайырымдылық, төтенше жағдайлар кезінде зардап шеккен халыққа көмек көрсету, еліміздің аумақтық

тұтастығы мен қауіпсіздігін қорғау кезінде құқық қорғау органдары, арнаулы органдар қызметкерлерінің, әскери қызметшілердің, ауыр жараланғандардың және қаза тапқан азаматтардың отбасыларын қолдау және өзге де қайырымдылық көмек көрсету міндеттелген.

2 - БЕТТЕ

## АСЫРАУШЫ САЛАНЫҢ ӘЛЕУЕТІ



Ауыл шаруашылығы қашаннан асыраушы сала екені бесенеден белгілі. Егін шаруашылығы мен мал шаруашылығы тұрақты дамып отырмаса, мемлекеттің де өркен жаюы неғайбы. Асыраушы сала саналғандықтан азық-түлік қауіпсіздігі де бар. Егіншінің несібесін еселейтін де, ауыл халқының мерейін үстем ететін де аграрлы сала. Қызылорда – елдегі аграрлы аймақтың бірі. Бұл сөзімізге республиканы күрішпен қамтамасыз етіп отырғанымызды дәлел етсе те болады. Жыл аяқталар тұста Сырдағы ауыл шаруашылығы саласында атқарылған жұмыстарға тоқталғанды жөн көрдік. Деректі алыстан емес, облыс әкімі Нұрлыбек Нәлібаевтың Астанада берген брифингінен алғанды құл санадық.

– Ауыл шаруашылығы – өңір экономикасының негізгі саласы. Бұл салаға тартылған инвестиция көлемі өткен жылмен салыстырғанда 9,4 млрд теңгені құрап, 36,6 пайызға артты. Аймақтың табиғи-климаттық және топырақ ерекшеліктеріне сай ауыл шаруашылығы саласы толығымен суармалы егіншілікке, оның ішінде күріш егісіне бейімделген. Егін науқанының қорытындысымен әр гектардан 56,5 центнерден өнім алынып, камбаға 503 мың тонна күріш жиналды. Су тапшылығына қарамастан, күріш өнімділігі бойынша өткен жылғы деңгейді сақтап қалдық, – деді аймақ басшысы.

Тағы бір айта кететін жәйт, облыстың ауыл шаруашылығы саласының экспорттық әлеуеті артып, өткізу нарығы кенелуде. Соңғы екі жылдың өзінде 84 млн АҚШ долларының өнімі экспортталған. Мамандар экспортталған өнімнің 96 пайызы өңделген өнім екенін алға тартуда. Жаз мезгілінде Қызылордада Сырдария суы төмендеп, диқандарға қиындық туғызып жүргені жасырын емес. Бұл мәселені шешудің бірден-бір жолы суды үнемдеу, өзендегі суды тиімді пайдалану болып табылады. Суды үнемдеп пайдалану үшін тамшылатып, жанбырлатып суару әдістерінің қолдану аясын кеңейтуге басымдық беріліп жатқаны да айта кеткен жөн.

– Осы жылы су үнемдеу технологиясымен 872 гектарға дақылдар егілді. Бұл тенденцияны жыл сайын 1000 гектарға арттырамыз. Мемлекет басшысы биылғы Жолдауында: «Агро-ғылымды дамыту және ең бастысы, оны ауыл шаруашылығында іс жүзінде қолдану үшін шаралар қабылдау қажет» деген болатын. Аймақта күріштің, өзге де дақылдардың жаңа сорттарын шығарып, өнім сапасын арттыру үшін Ыбырай Жақаев атындағы қазақ күріш шаруашылығы ғылыми-зерттеу

институтының қызметіне басымдық берудеміз. Жакында Ауыл шаруашылығы ғылым академиясымен агроөнеркәсіптік кешенді ғылыми және инновациялық дамыту саласындағы ынтымақтастық келісіміне қол қойылды, – деді облыс әкімі.

Жаз мезгілінде Сырдариядағы судың көлемі азайып кететінін атап өттік. Бұл мәселе аймақ жұртын кәдімгідей алаңдатып отыр. – Су тапшылығы аймақ халқын алаңдатуда. Оны Президентке де жеткізіп, баяндадым. Су ресурстары және ирригация министрлігімен бірге «Қызылорда облысындағы суармалы жүйелерді қалпына келтірудің жол картасын» әзірледік. Ол бойынша тасқын суды жинақтау, суармалы суды болу мен есепке алу процестерін автоматтандыру арқылы ирригациялық инфрақұрылымды қайта құру, жанғырту шаралары атқарылуға. Суды бөлу мен есепке алудың заманауи жүйелерін енгізу үшін халықаралық компанияларды тарттық, – деді аймақ басшысы.

Айта кетейік, соңғы 12 жылда Солтүстік Арал теңізінің суы 6,8 млрд текше метрге азайып кетті. Тұтас өңірдің тағдырына байланысты мәселе Парламентте, Үкіметте үнемі көтерілуде. Өткен жылдан бері 4,6 млрд теңгеге «Көкарал бөгетін сақтап қалу» жобасы іске асырылуда. 2024 жылы зақымданған бөгет қалпына келтіріліп, Қарашалаң көлі арқылы теңізге 2 арна және Тұщы көлі арқылы бір арна қазылады. Мамандар бұл істің нәтижесінде теңізде су айналымы қалыптасып, тұздылығы төмендейді деп отыр.

Аймақтың ауыл шаруашылығы саласында жаналыққа бетбұрыс байқалады. Алдағы уақытта өнімділігі жоғары, осы мерзімі қысқа күріштің жаңа сорттарын өндіріске енгізу көзделіп отыр. Ғалымдар бірнеше жаңа сортты сынақтан өткізуде. Нәтижесінде пилоттық жобалағы сорттар 10 центнерден жоғары өнім беріп, 10-15 күн ерте пісі. Келесі жылы да оң көрсеткіш сақталса, 2025 жылдан бастап жаңа сорттар қолданысқа енгізілімек.

Егіс алқабын әртарапандыру алдағы уақытта да жалғасын таппақ. 2025 жылға қарай күріш алқабы 89 мың гектардан 80 мың гектарға дейін қысқартылады. Оның орнына суды аз қажет ететін дақылдардың егіс көлемі 8,7 мың гектарға ұлғайтылады. Атап айтқанда, майлы дақылдар алқабы 13 пайызға, мал азықтық дақылдар алқабы 8 пайызға, картоп, көкөніс, бақша дақылдары алқабы 0,5 пайызға, басқа дәнді дақылдар егісі 21 пайызға артады.

А.АҚЫЛБЕК

### Баспасөз-2024

## АҒАЙЫН, «АҚМЕШІТ АПТАЛЫҒЫНА» ЖАЗЫЛДЫҢЫЗ БА?

Баспасөзге 2024 жылдың бірінші жартыжылдығына жазылу жүруде.

Қапы қалмаңыз, сүйікті газетіңіз төріңізде тұрсын!

Жекелер үшін 6 айға – 3000 теңге, мекемелер үшін – 4000 теңге.

Баспасөзге қатысты сауалдарыңыз болса, мына нөмірлерге хабарласыңыздар: 40-05-81, 70-14-08.



Әкім бұқараның базынасын тамыршыдай тап басып, ел ішіндегі күрмеулі мәселелерді уақытылы атқаруы тиіс. Сонда ғана оған деген елдің ықыласы ерекше болмақ. Мемлекет басшысы Қасым-Жомарт Тоқаев өз Жолдауында: «Білік халықпен кері байланыс орнатуы қажет. Ауылдардағы әрбір жұмыс ашық әрі әділетті түрде жасалуы керек», – деп атап өткен болатын.

Қызылорда қаласына қарасты кенттер мен ауылдық округтерде елді елң еткізерлік елеулі жұмыстар аз емес. Ауыл халқы мемлекеттік бағдарлама көмегімен кәсіп ашуға төмен пайызбен несие алу мүмкіндігіне ие болды. Жаңа үлгідегі заманауи құрылыс нысандары бой көтерді. Жергілікті кәсіпкерлер де ауыл тұрғындарына қол ұшын беріп, балабақша, спорт кешендерін, мешіт үйін салып, халықтың батасын алды. «Көгілдір отын» игілігін көріп отырған ауылдар да бар. Ауыл деген аты болмаса сәулеті мен дәулеті, құрылысы мен әлеуеті қаламен деңгейлесіп тұр.

Сыр өңірінің сан-салтанатын асырып, қолтығынан демеп тұрған кезінде дәуірлеген атағы бүкіл одаққа жайылған Тасбөгет кентінің бүгінгі келбеті ел қуанарлық. Жылдан жылға көшелері жаңғырып, жаңадан салынған құрылыс нысандары, зәулім үйлер кенттің оң ірлігінен хабар беріп тұр.

3 - БЕТТЕ





